

ხელშეკრულება სახელმწიფო შესყიდვის შესახებ № 12/02-07-46

წინამდებარე ხელშეკრულება დაიდო ქ. თბილისში 2014 წლის 30 მაისს.

ერთის მხრივ, საჯარო სამართლის იურიდიული პირი – იურიდიული დახმარების სამსახური (შემდგომში - “შემსყიდველი”), წარმოდგენილი მისი დირექტორის, მელიტონ ბენიძის სახით და მეორეს მხრივ შპს „ინფოსერვისი“, (შემდგომში - „მიმწოდებელი“) წარმოდგენილი მისი დირექტორის ზურაბ თეთრაძის სახით გამარტივებული შესყიდვის საფუძველზე ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 შემსყიდველმა მოლაპარაკების საფუძველზე, მიმწოდებლისგან მიიღო წინადადება სსიპ იურიდიული დახმარების სამსახურს გაუწიოს საკანონმდებლო და კანონქვემდებარე აქტების მონაცემთა ბაზის (Codex 2007 R3, ოპერაციული სისტემისთვის Windows 7 და Windows 8) განახლების მომსახურება (შემდგომში - მომსახურება) დანართ №1-ში მითითებული პირობებისა და ტარიფების შესაბამისად (CPV48614000), საერთო თანხით 4200 (ოთხი ათას ორასი) ლარი (შემდგომში - „ხელშეკრულების ღირებულება“).

1.2 მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული „სახელმწიფო შესყიდვების შესახებ“ საქართველოს კანონით.

1.3 მიმწოდებელი იღებს ვალდებულებას გაუწიოს შემსყიდველს ზემოთ აღნიშნული მომსახურება ხელშეკრულების პირობების შესაბამისად.

1.4 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობებში ასახულ ვადაში და ფორმით.

1.5 წინამდებარე ხელშეკრულება ძალაშია მხარეთა ხელმოწერის დღიდან და მოქმედებს მხარეთა მიერ ნაკისრი ვალდებულებების სრულად შესრულებამდე, არა უმეტეს 2014 წლის 31 დეკემბრამდე.

1.6 ხელშეკრულება შედგენილია 5 გვერდზე, 2 ეგზემპლარად. ერთი ეგზემპლარი გადაეცემა შემსყიდველს, ერთი – მიმწოდებელს და თითოეულ მათგანს თანაბარი იურიდიული ძალა აქვს.

მხარეთა რეკვიზიტები

შემსყიდველი

სსიპ იურიდიული დახმარების სამსახური
თბილისი, რუსთაველის გამზ №30
ს/კ 204534058
ტელ: 98 84 93

სახელმწიფო ხაზინა
კოდი 220101222
ა/ა № 200122900



მელიტონ ბენიძე
სამსახურის დირექტორი

შემსრულებელი

შპს „ინფოსერვისი“
თბილისი, ეკა ბუჯანიშვილის ქ. №49
ს/კ 200001229
ტელ: 2 95 10 36

ბანკი რესპუბლიკა
ბანკის კოდი REPLGE22
ა/ა № GE31BR0600003608002037

ზურაბ თეთრაძე
დირექტორი



2. მხარეთა უფლება-მოვალეობები

2.1 შემსყიდველი:

- ა) უფლებამოსილია მოსთხოვოს მიმწოდებელს ნაკისრი ვალდებულებების ჯეროვანი, კეთილსინდისიერი და დროული შესრულება.
- ბ) ვალდებულია, ხელშეკრულებით დადგენილ ვადაში და ოდენობით გადაუხადოს მიმწოდებელს მომსახურების საზღაური.
- გ) ვალდებულია გამოყოს საკონტაქტო პირი და მისცეს მიმწოდებელს მომსახურების გაწევის მიზნით საჭიროებიდან გამომდინარე იმ კომპიუტერებთან წვდომის საშუალება, რომლებზეც მომსახურების განხორციელების მიზნით დაინსტალირებულ იქნება პროგრამა Codex 2007 R3.
- დ) ვალდებულია ხელშეკრულების ძალაში შესვლის დღიდან 3 სამუშაო დღის ვადაში წერილობით მიაწოდოს მიმწოდებელს ელექტრონული ფოსტის მისამართ(ებ)ი (არანაკლებ 1 და არაუმეტეს 3), რომლებზეც მიმწოდებლის მიერ უნდა გაგზავნილ იქნას განახლების პაკეტები მომსახურების ფარგლებში. აღნიშნული ელექტრონული მისამართების ცვლილების შესახებ დაუყოვნებლივ წერილობით აცნობოს მიმწოდებელს.

2.2 მიმწოდებელი:

- ა) ვალდებულია, განახორციელოს ხელშეკრულების 1.1 მუხლში მითითებული მომსახურება, ხელშეკრულების მოქმედების მანძილზე.
- ბ) უფლებამოსილია, მიიღოს მომსახურების საზღაური ხელშეკრულებით დადგენილ ვადაში და ოდენობით;
- გ) ვალდებულია უზრუნველყოს სისტემის გამართულობა მომსახურების გაწევის პერიოდში და ამ მიზნით, დამონტაჟებულ სისტემაზე, გაავრცელოს საგარანტიო მომსახურება, წინამდებარე ხელშეკრულების მოქმედების ვადით. წინამდებარე ხელშეკრულებით მიმწოდებელი პასუხისმგებლობას იღებს მხოლოდ თავის მიერ დამონტაჟებულ Codex 2007 R3 პროგრამის გამართულ მუშაობაზე და იმ გაუმართაობებზე, რომელიც გამოწვეული იქნება მომსახურების უხარისხობით, ხოლო უშუალოდ მომსახურების ფარგლებში (სადაც დაინსტალირებულია Codex 2007 R3) გამოყენებული კომპიუტერების (ასევე ამ კომპიუტერებზე Windows-ის) გამართულ მუშაობაზე, პასუხისმგებელია მხოლოდ შემსყიდველი.

3. ხელშეკრულების შესრულების კონტროლი

3.1 შემსყიდველ ორგანიზაციაში გამოყოფილ ინსპექტირების ჯგუფს უფლება აქვს განახორციელოს გაწეული მომსახურების ხარისხის კონტროლი.

3.2 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების გარანტიისა ან სხვა ვალდებულებებისაგან.

5. შესყიდვის ობიექტი და ვადები.

4.1. მიმწოდებელი უზრუნველყოფს საჯარო სამართლის იურიდიული პირს – იურიდიული დახმარების სამსახურს გაუწიოს ხელშეკრულების 1.1 პუნქტში და დანართში №1 (რომელიც წარმოადგენს წინამდებარე ხელშეკრულების განუყოფელ ნაწილს მხარეთა მიერ ხელმოწერის შემდეგ) მითითებული მომსახურება.

4.2 მიმწოდებელი იღებს ვალდებულებას მომსახურების გაწევა მოახდინოს 2014 წლის 1 ივნისიდან 2014 წლის 31 დეკემბრამდე.

6. შესყიდვის ობიექტის მიღება-ჩაბარების წესი

6.1 მიღება-ჩაბარება მოხდება ეტაპობრივად გაწეული მომსახურების შესაბამისად.

შემსყიდველი

მიმწოდებელი

6.2 მომსახურება გაწეულად ჩაითვლება წარმოდგენილი ანგარიშ-ფაქტურის დადასტურების შემდეგ (დადასტურება შემსყიდველმა უნდა მოახდინოს არაუმეტეს 10 დღის ვადაში მომსახურების ყოველი გაწეული ეტაპის ანგარიშ-ფაქტურის წარდგენის დღიდან).

7. ხელშეკრულების ღირებულება და ანგარიშსწორება.

7.1 მიმწოდებელი ვალდებულია სსიპ იურიდიული დახმარების სამსახურს გაუწიოს საკანონმდებლო და კანონქვემდებარე აქტების მონაცემთა ბაზის განახლების მომსახურება, საერთო თანხით 4200 (ოთხი ათას ორასი) ლარი.

7.2 მომსახურების ყოველთვიური ღირებულება 100 მომხმარებლისათვის შეადგენს 600 ლარს. მომხმარებელთა რაოდენობა გაცხადებულია შემსყიდველის მიერ და შემსყიდველი ვალდებულია თვითონ უზრუნველყოს აღნიშნული 100 მომხმარებლის ჩართულობა მომსახურების მიღებაში, რადგან შემსყიდველის მიზეზით მომხმარებელთა რაოდენობის ცალმხრივად შემცირება არ გამოიწვევს მომსახურების ფასის ავტომატურ შემცირებას, მანამ სხვა რამ დამატებით არ იქნება შეთანხმებული მხარეთა მიერ წერილობით.

7.3 ანგარიშსწორების ფორმაა უნაღდო (გადარიცხვა).

7.4 ანგარიშსწორება მიმწოდებელთან განხორციელდება ეროვნულ ვალუტაში ლარი.

7.5 ანგარიშსწორება განხორციელდება მიმწოდებლის საბანკო ანგარიშზე მხარეთა მიერ ანგარიშ-ფაქტურის დადასტურებიდან 10 კალენდარული დღის განმავლობაში.

8. ხელშეკრულებაში ცვლილებების შეტანა

ყოველგვარი ცვლილება ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების შემთხვევაში.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.


9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.


10. ხელშეკრულების პირობების შეუსრულებლობა

ფორს-მაჟორული პირობების გარდა, ხელშეკრულების პირობების შეუსრულებლობისა ან/და დაგვიანებით შესრულების შემთხვევაში მხარეებს დაეკისრებათ პირგასამტეხლოს გადახდა, ერთმანეთის წინაშე ყოველი დაგვიანებულ დღეზე ხელშეკრულების შეუსრულებელი ნაწილის 0,2 %-ს ოდენობით, თუ დაგვიანების ვადა გადააჭარბებს 10 კალენდარულ დღეს.

11. ხელშეკრულების შეწყვეტა მისი პირობების შეუსრულებლობის გამო

11.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლის მხრიდან ვალდებულებების შეუსრულებლობის წერილობითი შეტყობინების შემდეგ:


შემსყიდველი


მიმწოდებელი

(ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია გაუწიოს მომსახურება მთლიანად ან ნაწილობრივ და ეს გრძელდება 10 კალენდარულ დღეზე მეტ ხანს;

(ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება და არ გამოასწორობს დარღვეას შემსყიდველის წერილობითი მოთხოვნიდან 10 დღის ვადაში.

11.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3 ხელშეკრულების ნებისმიერ მხარეს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ მისთვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მეორე მხარის გადახდისუუნაროდ გამოცხადების შემთხვევაში;

გ) თუ მისთვის ცნობილი გახდება, რომ მეორე მხარის რეკვიზიტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

ე) თუ მეორე მხარისთვის დაკისრებული პირგასამტეხლოს თანხა გადაატარებს ხელშეკრულების ღირებულების 5 % - ს.

12. ფორს-მაჟორი

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.


12.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაუღალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.


12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს.


შემსყიდველი


მიმწოდებელი

მომსახურების აღწერა

მიმწოდებელმა უნდა განახორციელოს სიიპ იურიდიული დახმარების სამსახურისათვის საკანონმდებლო და კანონქვემდებარე აქტების მონაცემთა ბაზის განახლების მომსახურების გაწევა, რაც მოიცავს შემდეგს:

1. სერვერზე და ცალკეული მომხმარებლისათვის საჭიროების შემთხვევაში პროგრამის ინსტალაცია, ერთჯერადად პროგრამის ბაზის ინსტალაცია იურიდიული დახმარების ბიუროებსა და ცენტრალურ აპარატში.

2. პროგრამა უნდა მოიცავდეს ხელშეკრულების დადების მომენტისათვის ოფიციალურად გამოქვეყნებულ და მოქმედ საქართველოს ყველა კანონს (კოდექსების ჩათვლით) და კანონქვემდებარე აქტებს კოდიფიცირებულ მდგომარეობაში, აგრეთვე ოფიციალურად გამოქვეყნებულ საქართველოს საერთაშორისო შეთანხმებებს (მათ შორის საერთაშორისო ხელშეკრულებებს, საერთაშორისო შეთანხმებებს, ოქმებს, დეკლარაციებს, მრავალმხრივ საერთაშორისო ხელშეკრულებებს, კონვენციებს).


3. ინფორმაციული განახლების შესაძლებლობა ელექტრონული ფოსტის საშუალებით, რაც წარმოადგენს მომსახურების გაწევის ძირითად ფორმატს.


4. ინფორმაციული განახლება უნდა განხორციელდეს არანაკლებ კვირაში ერთხელ.

5. დოკუმენტის მოთხოვნილი თარიღისათვის მოქმედი (კოდიფიცირებული) რედაქციით ჩვენება-ჩამოტვირთვის შესაძლებლობა.

მომსახურების გაწევა განხორციელდება შემდეგი ტარიფების მიხედვით:

	მომსახურების დასახელება	რაოდენობა (თვე)	ერთი თვის მომსახურების ღირებულება 100 მომხმარებლისათვის (ლარი)	მომსახურების ჯამური ღირებულება (ლარი)
1.	საკანონმდებლო და კანონქვემდებარე აქტების მონაცემთა ბაზის (Codex 2007 R3) განახლების მომსახურება 100 მომხმარებლისათვის	7 თვე	600,00	4200,00


შემსიდეველი


მიმწოდებელი

